



GUIR BORTRET

AR MERC'HET HAC AR GRAGUEZ.

qui Var ton Portret an Intanvezet..

Me ya c'hoas, mar gallàn, da ober ur portret,
Tostait d'am selaou, oll graguez ha merchet;
Me rayo déc'h santout ho tefautou antier,
Laqet int oll amàn ganén var ar paper.

Aon ameus ho speret volach, audacius,
Calz re vil, calz re bront, ha calz re golerus,
N'o lêzo qet da zantout pelec'h e zoc'h dalc'het,
Pere eo ar viçou en pere oc'h quezet.

Me zo sur ha certen, ma ve c'houi o guelse,
En em goachfac'h buan er c'havarnou nos-de,
Er forestou dounna, elêc'h ne za den ebet,
En mesq al loëned gouez, tigret ha leonet.

Var defautou re-all digor ho taoulagad,
Var ho re oc'h-unan e zint sur serret mad;
Me ya d'o digueri ha d'ober déc'h guelet
Petric oc'h pendaben, pa vec'h examinet.

Eus ar grouadurien an nebeuta parset,
Vicius en ho corf, fragil en ho speret,
Ecumen an natur, sourcen a valeuriou,
Pladjur an dud sot a guez en ho laçou.

Adversour ar furnez ermès coulz hac en ti,
Un dour oll corrompet, feur un al loustoni,
Er bed universel, ur monstr an natur,
Un droug so necesser, ur go s pladjur.

Ur c'hef eus an ifern, en ilis ur zantez,
Un æl dre ar ruyou, diaoul en tieguez,

Ur big o ragachat en toul an dorojou ;

Ur marmous pintet clos var bord ar prênestou.

Ur haro er jardin , adversour d'al louzou ,
Mar dit en cur goele , c'houi en ampoeson ;
Da antren en matier nemet commanç na ràn ,
Ret eo dîn-me prouvi ar pez a avançà.

Guechal en eur sermon , Sant Bernard a lare
Gant calz a eloqanç coulz ha gant guirione ,
En devoa ar graguez guinou an drouc-speret ,
Ar memes tra iveau a lar eus ar merc'het.

Er Genes , chabistr tri , e commanças Eva
Da zebri'n tam aval , da bec'hi da guenta ;
Hi e deus hor c'hollet , hi so caus d'hor maro
Temporel hac eternel , ha d'hon oll maleuriou.

Goell ê bez'en dezert etouez an oll loïnet ,
Pe er vroyou sovach emesq ar barbaret ,
Eguet chom en un ti gant ur vreg e coler ;
N'en deus netra quer goas er bed oll en antier.

Ar merc'het , ar graguez a so oll traou dister ,
Envel eus Tisiphon , Alecto ha Mejer ;
O c'halon , o zellou , so evel rcejou ,
Hac o daouarn goude evel eul liamou.

Piou benac a c'houlen plijout da un Doue ,
Gant soign ha dilijanc a bellai dioute ;
Ar pec'her maleurus d'o c'havet a deuyo ,
A guezo hep dale , siouas , en o laçou.

Clêvit Sant Augustin o comz eus aneze ,
Doctor bras en Ilis hac o anaveze :
Pebez objet dister ar vreg evit un ozac'h ?
Assur gant guirione alle qet e nac'h.

Ouspen int cargo oas a infidelite ,
Eus a ambition hac impurete ,
Eus a ingrateri e qever peb-unan ,

Ha den hepqen na estim nemert-y e-unan.

Ar Profet bras Jonas , gant ur balen longet ,
En e gorf pad tri de a oue guell preservet
Eguet ma oue Samson o conta e secret
Da Dalila e vreg , pa oue quer trahisset.

Sant Yan ar Badezour a oa bet respectet
En desertjou guechal , memes gant an tigret ;
An oll loënet gouez a deue d'e cherissa ,
Biscoas ini anê na eure droug dezâ .

Mes pe seurt differanc dirac Herodias !
Goude beza danset , an draïtoures , siouas ;
Roet e voe dezi ar pez a garje da choas :
Sant Yan voa ar victim , e benn a c'houlennas.

C'hoas Sant Yan Chrisostom , bars er chabistr naovet
Demeus a Sant Vaze , a deu da lavaret :
Ar plac'h en guirione a so dor an ifern ,
Hent an iniqite , daonet qiq hae esqern.

Gouli ur scorpion , da behini n'eus qet
Er bed universel cavet dezân remet ;
Un droug so guel noazus ha domajus dre oll ;
Tol plêt partout raze , n'ouffent nemet da goll.

Selaouit Sant Gregor e posi e gomzou ;
Laquit evez oute , evit m'oc'h instruo :
Ar plac'h e deus , emezân , oll belim un aspic ,
Teod serpent ha toussec , daoulagad bazilic.

Finesse an dragon , al loënet dangerus ,
Ha c'hoas ur plac'h a so calz muioc'h maleurus ;
Ne deus ezel ebet na ell rei ar riaro ,
Ne vo lazet ganti nemet neb a fio.

Consultomp Origen var buez ar merc'het ,
Petra laro demp-ni ? o deus qenta pec'het ,
E zint ar monstr Satan e deus hor chasseet
Demeus ar barados , elêc'h ma voemp crouet.

En ur guir , ar merc'het o deus an oll vicou ;
 Bulumus maleurus demeus hon oll finiou ;
 Int o deus da guenta transgresset al lezen ,
 Trompet hon Tad qenta ebars jardín Eden.

Brassa malic an den , mar be comparachet ,
 Ha laqet er valanç , evit beza poezet
 Gant œuvrou mad ur plac'h , memes e œuvrou guella ,
 N'en dint qet quer bras drouc ha ma ê ar re-ma.

Mar selaouàn Caton , e teu din da laret :
 Ar furnez , ar rôson ne dint qet d'ar plac'het ;
 N'ellont o fossedi james en o c'halon ,
 Ha n'en dint netra oll nemert ambition.

Sant Jerom a lavar : ur vreg vad er bed-màn
 Zo evel ur Fenix n'en deus qen nemertàn ;
 Hac ur vreg vad ive , mar be cavet hini ,
 Me so sur er bed oll ne vezò nemeti.

Tertulien guechal , den habil ha savant ,
 O coïnz eus ar merc'het , a lavar excelant ,
 O deus ar gassoni demeus an diaoulou ,
 O malic , ho bulum hac o goel-oberiou.

N'en dint certen netra , mar bent comparachet
 Gant malic ar grague hac hini ar merc'het ;
 Rac an diaoul a noaz dreizàn e-unan ,
 Hac ar merc'het er gra dre buissanç Satan.

Na lavaràn netra na ell an oll da c'hout ,
 N'en deus netra ebet na laqin da dalyout ;
 An douar , an ifern , ar bed oll , o armou ,
 O malic o-unan birvigen ne vanqo.

An Ecclesiastiq - jar hac a assur ,
 Var cant den so - n den mad , un den fur ;
 Mes etoues mil ha mil demeus an oll merc'het
 Biscoas hini er bed ne zeus gallet cavet.

An den fur ha sayant , ar philosof Caton ,

A rente grac da Zoue eus a greis e galon ;
 Dre ma voa bet ganet etoues as romanet ,
 Ha nonpas en plac all e creis ar barbaret.

D'an eil , m'oa parta;t demeus calz a rèson ;
 Evit gallout servich oll dud e nation ;
 D'an drede ma voa bet grêt goas ha nonpas plac'h ,
 Exant eus a valiç evel m'ê peb ozac'h.

Pithagoras guechal pa voe interrojet
 Perac e roe e verc'h d'un den gantàn cassêt ;
 A respondas qerqent hep nep difficulte ,
 N'alle en em venji guelloc'h eus an den-se.

Gout a ouie ervad n'eus netra qen noazus
 Eguet ur semelen , na qen malicius ;
 Diaoulou int en ti , un tourmant int ermès ;
 Ne reont nemet brezel , disput en tieuez.

Goas int eguet brezel , goas int eguet bossen ,
 Mil maleur er bed-màn à occasion o fenn ;
 Eus autor ar chanson , m'ho ped na fachit qet ,
 N'en deus netra avancet hep beza goarantisset.

IMPERFECTIONOU AR GRAGUEZ.

Var un ton grignous.

NE oun ha me a grete disclêria ar secret
 An imperfectionou eus ar femelezet ;
 Gouscoude pa en sonjân e ràn ur goal affer ,
 Droug grêt e vo qement-màn . ne oun petra ober.

Mar am bez ur reprimardor bes displijadur !
 Dre ur chanç droug avancet , hac un tol dinatur ,
 Var ar scritûr ancien , pini e meus lennet ,
 E cayàn meur a voaran var ar memes sujet.

An eol , tad ar sclêrigen , a zeu d'en em guza ;
 Al loar eo ar femelen a zeu da zispaca ;
 Houma a so imparfet , sujet d'ar chenchamant ,
 Evel ar sumelezet dre o zamperamant.

Ur galon avarisdet ha penn ur fumelen
 A eller comparachi ebars en peb termen :
 A viscoas e zint calet , muioc'h eguet simant ,
 A zo cos a vil maleur erru communamant.

Ur blijadur dommajabl , hac un droug necesser ,
 A zo dre ar bed mouvant e laqat ar vizer ;
 An alc'houez hac ar sourcen a imperfection ,
 Hac an doriou an amzer ebars en peb sêzon.

Bêleg memes sant Gregor , un den qen eloquant ,
 E galv ivez un aspic ha goal deod ur serpent ;
 Un dragon dre e fulor , pa vez mui animet ,
 A guev so dre e sellou goell eguet greg coleret.

Maliç ur vreg a surpas malic an diaoulou ,
 A lavar Tertulien ebars er scrituriou ;
 James ne vanq femelen , mar bez contrariet ,
 Da glasq sicour da venji , mar guel , e nep sujet.

Me a guev ur femelen , dre e mondanite ,
 Haaval bras eus ar fleuren eus an antiquite ;
 Pa erru ur voenanen da biqat e deillou ,
 En cm lez da dissipâ evel ar simpla louzou .

Ne ouffe biqen ur goas beza falloc'h partajet
 Eguet rancontri da bar ur femelen diboellet ;
 Guza ra'n iniqite diandur ur c'horf mignon ,
 O c'hortos al liberte da sumi en dragon .

Me ne gavân qet estranch guelet ur femelen
 Ne gener gant netra tout , familier ouz peb den ;
 Mes ur spullen droug placet , var un habit a sent
 E laqayo da c'brognal ha da scrignat e dent .

An oll montagnou tortu , discaret oll a c'hoen ,

Hac an hentchou sabronus rabotet oll en plen,
 An oll deillou er c'hoajou mil dest betec al loar,
 Carillon ur plac'h a dempest a bompe an douar.

Ebars marc'hajou follet ha foariou Cupidon,
 E mesq an dud assortet, an Doue forgeron,
 A stign e oll roejou evit destum e sec'h
 Ar re a so re frajil gant ar femelezez.

Selaouit : *Optima Femina rario Phœnix*,
 A lavar c'hoas Sant Jerom d'ar merc'het ha grague;
 Qer rar evel ur Fenix eo ur femelen vad,
 Evel m'en deus remerget en un andret benac.

Bars an naontecvet chabistr demeus a Sant Vaze,
 C'hoas ur Sant Yan Chrisostom a gomz eus ar grague,
 O henvel dor an diaoul. Ur vreg insuportabl
 So evel ur scorpion e pep tra domajabl.

Jonas a voe assuroc'h ebars corf ar balen
 Eguet ne voa bet Samson dirac ur femelen ;
 Ar Prophet a gof ar pesq heb outrach a guitta ;
 Samson a goll e oll nerz en daouarn Dalila.

An tigret, al leonet, ha calz a loened goe,
 A enore sur Sant Yan pa voa var ar bale ;
 Ha gouscoude e veler penaus ur femelen
 E deus an ingrateri d'ober trêc'hi e benn.

Ma velfac'h bisach Cloris, pa ve fachet Colin,
 Efaut da veza muguet an dour var e melin,
 E sollicito'n ênvou dre vœuyou impuissant,
 Da derri ar chadennou a so cos d'e zourmant.

N'o deus, daou zen demezet, n'emet daou ze contant:
 An deiz demeus an euret ha deiz an enterramant ;
 Rac ur c'hontrat da garet dre obligation
 A deu prest da enoui en e possession.

Deut eo mouez an durzunel ha ramach ar goucou,
 N'en deo qet ret dêc'h bremâ grillat hoc'h ivinou ;

Dalc'hit ur c'houbl balinou abars ar goan calet,
Evit ar merc'hedigou o-unan da gousqet.

Bisach ur vreg e coler so evel ur sac'h glaou,
Sellou du , un tal ridet , nc laràn qet a c'haou ,
Evel m'ê sellou un ourz furius , transportet ;
Penaus ec'h alfe ur goas beza falloc'h partajet ?

Pa vo ebars en ilis , vo evel ur zantes ,
Hac un æl dre ar ruyou , diaoul en tieguez ,
Ur sparfel en ur prenest , ur bicq var an treujou ,
Ha dirac e goaz tiec goal hir e muzellou.

Clasq a reont peb ardou da zeboch ar voaset ,
Darn anê dre o moueziou ha darn all o prezeg .
Alies mouez ar siren en em rent danjerus ,
Dont a ra en un instant an amzer orajus.

Ar vreg , princip ar pec'het , dreizi e leveromp ,
Evel ma eo rapportet verset tri ha trêgont .
Poent e cavân finissa , amplic am eus comzet ,
Ne larìn mui davantach , rac aon ne vent fachet .

Gouscoude e guel demezi eguet dont d'ober voaz ,
Rac beva var ar gommun a so danjerus bras ;
P'ho pezo choazet ur par , dalc'hit fidelite .
Qercoulz etoues ar vizer vel er brosperite .

Ma velfac'h an durzunel o tont da goll e far ,
En em lezei da goueza divar beguig ar bar ,
O serri e daoulagad eus en eni soupira ,
Hac huanad an adieu a deu d'en finissa .

FIN.